

Sa Die de sa Sardigna in Tortolì, protagonistas istudiantes e personalidade de su mundu de sa cultura sardu



In s'auditòrium Fraternità, Tortolì at festadu SA Die de sa Sardigna cun un'eventu cale ant pigadu parte scolaresche e autoridades tziviles.

Prena de contenidos culturales, su mangianu, cun s'innu sardu interpretadu dae

su Coro de Arbatax, sa riflessione subra su valore de su càntigu a tenore cun s'espertu Bastianu Pilosu e sa gara poètica intre Bruno Agus e Dionigi Bitzi acumpangiados dae su tenore de Cardedu. S'operadore Ivan Marongiu at presentadu is leturas in limba sarda de is pitzocos de s'Istitutu comprensivu 1 e 2 de Tortolì ispiradas a is eventos de "Sa sarda rivoluzione".

Ant atzapadu s'atenzione de sa platea fintzas is interventos de sa retzitadora Clara Farina e de su presidente de s'Istitutu superiore regionale etnogràficu de Nùgoro, Stefano Lavra, e is launeddas de Alessandro Podda. In abertura is saludos de su sìndigu de Tortolì, Marcello Ladu, e de su cunsigieri regionale Salvatore Corrias. Est intervènnidu fintzas s'assessore regionale a su Turismu, Franco Cuccureddu.